



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

Vt semper simplices in Deo maneamus. 4

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

MARGARITAE EVANG.

tientia letam efficiam: sicque iugiter in te pascha celebrabitur: tecumque in purgatorium descendam, & animas vna mecum in meum gaudium meamque gloriam deducam, & tu mecum celestis eris spiritus: & occulto quodam modo mecum in interiori essentia tua resurges, eritque conuersatio tua mecum in caelis, quia ego in te sum, sicque meam ascensionem intra te celebrabis. Insuper, cor tuum per gratiam meam renouabo, inflammans hoc igne amoris mei, doransque te periformi gratia spiritus sancti: & sic intra te solennitatem missionis spiritus paracliti coles. Sed & sabbatum in spiritu tuo iugiter obseruabis, & festiuitatem quarumlibet solennitatum intra te celebrabis, & sine intermissione supersanctissimam Trinitatem in diuinæ essentiae vnitate veneraberis: quæ nimirum essentia tuæ est essentia vnita, quæ est essentia omnis essentiae, lux omnis lucis, vita omnis vitæ, vita, lumen & nutrimentum spiritus tui, tuam essentiam in se transformans. Et sic iugiter in te meæ præsentiae solennitatem ages, sabbatum quoque & in spiritu quietem custodies: vt sic in te quiescere possim, & tu in me, sitque semper quies mea in spiritu tuo, & operatio mea in tuo corpore, & tunc in omni multiplicitate eris simplex, & in mea diuina vnione permanebis, sicut & ego per humanitatem meam feci, & similiter dilectissima mater mea.

Qualiter in omnibus exercitijs nostris firmi
plices immobiliter in vnitate diuina permanebimus.

Cap. III
Absolutum

LIBER II.

Absolutum circulum circinus perficere nō potest, nisi in centro fixus permaneat. Circulus est meæ diuinitatis operatio: Centrum mea essentialis vnitas. Nullum proinde opus perfectum complere poteris, nisi mecum in mea essentiali vnitate permaneas, & ego tecum in tua actione. Et tunc omnia opera tua perfecta erunt, in eo videlicet, quod permanes in me, & ego in te. Et in eo, quod in omnibus quæ vel facis vel dimittis, auxilium meum imploras, ego operor in te, & tu in me permanes. Ideoque in omni exteriori opere tuo, interiora opera mea obseruabis. Interdum nanque maiorem in te operandi aptitudinem inuenio tunc, quando in exteriori es opere constituta: & plerunque post actionem aptior es, quam post quietem. Et idcirco externa opera tua nequaquam abijcias. In teriorem vero spiritus quietem, cordis pacem, quinque sensuum refrenationem & morum honestatem, vbicunque & apud quoscunq; fueris, & in omni multiplicitate custodies, & sic fructiua pariter & actiua eris, sicut & ego semper operor, & tamen immobiliter quiesco. Et sic fiet vt me semper & vbique habeas præsentem. Quicquid enim agis, propter mei facis amorem: propter quem etiam cibum sumis, attendens eum ob hoc a me tibi dari, quatenus vires quæ inde tibi accrescunt, in meo rursus seruitio expendas. Sicut enim os cibum comedit, ex quo cuncta deinde membra corporis tui vigorem accipiunt: sic & ego essentiam tuam mea diuina essentia reficio, pascens te amoris mei nutrimento. Et sicut absque corporali cibo subsistere non potest corpus tuum: sic & tu ipsa nec ad
modi-

MARGARITAE EVANG.

modicum spiritali cibo meo, qui ego ipse sum, carere potes. Quoties vero sic refici desideras, mea carne cibaris & sanguine: teq; totam in me transformo, ita ut iam etiam nomē tuū amittas. **S**imiliter et ob amorē meū quiescis, in cubiculo videlicet spiritus & in brachijs amoris mei: interim ego super te vigilo, custodiētibus te nihilo minus etiam ministris meis. Euigilās itaq; simpliciter te ad vnitatē, in intimū videlicet suū dū spiritus tui conuerte, vbi etiā ego te expecto ad annunciandum tibi omne bonū, nouitatesq; docendū. Ibi secretum meum tibi manifestabo, cuius pro tūc es capacissima. Et tunc ante omnia maiestatem meam amorosis aspirationibus alioqueris, hoc pacto dicendo:

Prima ad Deum animæ conuersio ma-
ne. Cap. V.

O Mi dilectissime, quis nā es obsecro? Certe te vnicum, æternum, incommutabile & præstantissimum bonum. Credo in Deū. Credo me, o incommutabile bonum, in te æternaliter fuisse, teq; modo esse in me. Me ipsam et ego totaliter tibi resigno & offero in viuū sacrificiū, quatenus tā libere absq; vllō impedimento me vti possis, sicut quando in te adhuc increpata fui: teq; ipsum in me et per me laudare digneris, quia sine te nihil omnino possum. Ideoq; te ipsum mecum vniisti, q; me semper libentissime iuuare velis. Rogo proinde, vt me perficere adiuues, quicquid placitū est tibi. Pater in manus tuas commēdo spiritum meum, in sapiēciam videlicet filij tui, & in charitatē spiritus sancti, per quas omnia facis, vt meū pro tuo beneplacito facere possis. Et q; nimis inidonea sum, ideo sup-